

SAKSPAPIR

Saksnr	Utval	Type	Dato
030/17	Plan- og kommunalteknisk utval	PS	08.03.2017

Saksbehandlar	ArkivsakID
Lars Johan Fjelde	17/117

Endring av minsteareal som grunnlag for fellingsløyve på hjort i Osterøy kommune

Vedlegg:

Forskrift om minsteareal for felling av hjort_2017. Høyringsforslag.

Høyring av endring av forskrift om minsteareal for jakt på hjort i Osterøy kommune

resultset_1303_1162.pdf

resultset_1303_1161.pdf

Høyringsmerknader til endring av forskrift om minsteareal for jakt på hjort i Osterøy kommune.pdf

Høyring av endring av

Rådmannen sitt framlegg til vedtak:

Osterøy kommune Plan- og kommunalteknisk utval, vedtek ny forskrift som grunnlag for fellingsløyve på hjort i Osterøy kommune og går fram av vedlegg.

Plan- og kommunalteknisk utval - 030/17

PL - behandling:

Siren Tyssebotn, FRP, gjorde slikt framlegg om endring: "Minsteareal for sone 4 vert sett til 400.

Dette gjeld for vald nr. 25, 26, 30 - 34, 36 og 37."

AVRØYSTING

Rådmannen sitt framlegg - 3 røyster (1SP,1MDG,1KRF)

AP/FRP sitt framlegg - 4 røyster (2FRP,2AP)

PL - vedtak:

Osterøy kommune, ved plan- og kommunalteknisk utval, vedtek ny forskrift som grunnlag for fellingsløyve på hjort i Osterøy kommune og går fram av vedlegg og med slik endring: Minsteareal for sone 4 vert sett til 400. Dette gjeld for vald nr. 25, 26, 30 - 34, 36 og 37."

Saksopplysningar:

Saksopplysningar:

Bakgrunn

Fastsetting av minstearealet er det viktigaste verkemiddelet i reguleringa av storleiken på hjorteviltbestanden.

Minstearealet bør samordnas med dei andre verkemidla for å nå målet i hjorteviltforvaltninga. Andre virkemiddel er fråvik av minstearealet (§ 7) og bestandsplan (§ 15). I nokre få tilfelle der andre verkemidla er forsøkt, eller der akutte situasjonar oppstår, kan kommunen vurdere skadefelling, jf. Naturmangfaldlova § 18 4.ledd.

Osterøy kommune har i samsvar med § 6 fastsett ulikt minsteareal for ulike deler kommunen på grunnlag av forskjell i produksjonsgrunnlag, bestandstettheit eller skadepress og påkjøringar m.m.

Opning av jakt på hjortevilt og fastsetting av minsteareal blir fastsett av kommunen ved lokal forskrift jf. hjorteviltforskrifta § 6 første ledd. Eventuelle forskriftsendingar må fastsettast av kommunen innan 15. mars, jf. § 6 andre ledd. Fristen er sett med bakgrunn i andre fristar i hjorteviltforskrifta, her under fristen for godkjenning og endring av vald jf. hjorteviltforskrifta §§ 10-11, jf. § 18 om fellingsløyve for hjort.

Før fastsetting av minstearealet skal kommunen vurdere følgjande:

- Kommunen sine målsettingar for utvikling av bestandane.
- Bestandane sin tettleik/storleik og samansetning, hovudsakleg basert på jaktstatistikk, sett hjort/(sett elg) og andre tilgjengelege opplysningar om bestandsutviklinga for vedkomande art i kommunen.
- Beitetilhøva og arten sitt livsvilkår elles, her under sesongtrekk.
- Eventuelle konflikhtar i høve til jord-, hage- og skogbruk.
- Vilt påkjørsler langs veg og annan irregulær avgang.
- Andre moglege konfliktområde.

Osterøy kommune har ut i frå at det er store skilnadar i tettleiken på hjort differensiert minstearealet for hjort i ulike minstearealsoner:

Tabell 1

Sone	Minsteareal	Vald
Sone 1	300	Vald nr. 16-17, 46
Sone 2	400	Vald nr. 6-7, 9, 13-15, 40, 43, 45, 47-48
Sone 3	450	Vald nr. 1, 5, 8, 18, 25-26, 42-44_1 (eks. *)
Sone 4	500	Vald nr. 2-4, 11, 24, 30-35, 38
Sone 5	750	Vald nr. 36-37
Sone 6	1250	Vald nr. 27-29, 44_2 *)

*) 44_2 er jaktfeltet Mjelde Skipsreie i Vaksdal kommune.

Det er naturleg at høgproduktive areal, som gjev mykje godt beite, får eit lågare minsteareal enn område med store uproduktive areal. Og for hjort er det skog og myr som er det naturlege leveområdet.

For å få høgt nok uttak av hjort i Osterøy kommune har ein, til trass for at ein har eit etter tilhøva eit lågt minsteareal, vore avhengig av å tildele fellingsløyve etter unntaksregelen i hjorteviltforskrifta § 7. Det er mogleg for kommunen å fråvike det fastsette minstearealet med 50% opp eller ned. Fråvik frå minstearealet er eit enkeltvedtak som skal gjelde eit bestemt geografisk område og for eit bestemt tidsperiode. Når ein for ein del vald i Osterøy kommune over mange år har fråvike i frå minstearealet, for å få høg nok felling, må kommunen vurdere å endra forskrifta i staden for å nytta § 7 i så høg grad som vi gjer. Dette går klart fram av Hjorteviltforskrifta.

Det vil vera naturleg å redusere minstearealet i område med høg hjortetettleik og auke i område med tettleik. Sett hjort-data og jaktuttak er dei beste indikatorane vi har for bestandstettleik. I hjorteforvaltninga er det viktig å legge til grunn ei kunnskapsbasert forvaltning av hjortestamma.

Før politisk handsaming av ny forskrift, skal aktørar vedtaket påverkar, bli gjeve høve til å uttale seg i samsvar med forvaltningslova § 37. Skal forskrifta kunne vedtakast innan fristen, slik at den får verknad for jaktseongen 2017, er ein avhengig av rask sakshandsaming.

Høyring

Forslaget blei sendt på høyring til aktuelle høyringsinstansar (alle valdansvarlege, tilgrensande kommunar, fylkeskommune og fylkesmannen samt aktuelle lag og organisasjonar. Det er blitt kunngjort på kommunen si heimeside med frist til 24.02.2017 for uttale.

Det er kome høyringssvar i frå Sørfjorden Hjortevald, Haugegrend og Rognved Hjortevald, Osterøy Skogeigarlag, Osterøy Bondelag og Hordaland Fylkeskommune.

Alle som kom med høyringssvar var samd med kommunen om at det var hensiktsmessig med ei justering av minstearealet for å redusere bruken av dispensasjons-/ 50% regelen (§ 7).

Høyringssvara ligg ved.

Vurdering

For å møte dei utfordringar hjorten sin arealbruk har medført særleg med bakgrunn i ei til dels for høg hjortebestand, har kommunen i mange år tildelt fellingsløyve etter unntaksregelen med fråvik på inn til 50 prosent frå teljande areal for mange av valda i kommunen. Dette har ført til litt for lite fleksibel hjorteviltforvaltning, ved at ein ikkje har moglegheit til å tildele ytterlegare fellingsløyve i dei valda der ein har nytta 50% regelen fullt ut. I hovudsak gjeld dette Mjeldalen og Rolland.

Det er ei målsetjing å tilpassa minstearealet til utviklinga av hjorteviltbestanden i dei ulike deler av kommunen og kommunen sin målsetjing om å redusere hjortestamma og å få ei betre samansetjinga av stamma i Osterøy kommune. Det er og eit mål å ta omsyn til konflikhtar med landbruksnæringa og beitegrunnlaget til hjorten.

Ved å justere minstearealet ned eller opp i tråd med utviklinga av bestanden gjer det mogleg å i større grad enn i dag gje fellingsløyve etter hovudregelen i hjorteviltforskrifta § 6. Samtidig blir det mogleg unntaksvis å nytte seg av regelen om fråvik i minstearealet i hjorteviltforskriftens § 7, i dei tilfelle hjortens arealbruk skapar konflikhtar og det er trong for ytterlegare fellingsløyve. Endringar i minstearealet tilpassa dei ulikskapane det er i hjortebestanden gjer det mogleg for kommunen å drive ein meir differensiert og fleksibel hjorteviltforvaltning i tråd med valda sin kunnskap og ynskje, samtidig som det gjev større rom for konflikthandtering.

Osterøy kommune har i forvaltningsplanen for hjort sett som målsetjing å bruke minstearealet aktivt for å tilpasse /tildelinga/jakttrykket for å regulere bestandsstorleiken.

Endringa av minstearealet vil ikkje samla sett for Osterøy kommune bety så mykje for tildelinga av fellingsløyve fordi den blir følgt av ein tilsvarande reduksjon av bruken av 50% regelen. Valda kan såleis ikkje rekna med å få reduksjon i minstearealet og samtidig like høg bruk av 50% regelen.

Det er og trong for å endra forskrifta med bakgrunn i at mange vald er blitt endra og til dels fått nye valdnummer.

Det har og vore ei målsetjing for endringa å forenkla og redusere talet på soner.

Ei endring av forskrift for Osterøy kommune føreset at gjeldande forskrift om minstearealet storleik i dag, må endrast.

Forslag til nye valdsoner i Osterøy kommune:

Tabell 2

Sone	Minsteareal	Vald
Sone 1	200	Vald nr. 16-17
Sone 2	300	Vald nr. 14, 46 og 48
Sone 3	400	Vald nr. 1-9, 11, 13, 15, 18, 38, 40, 42, 43, 45, 47, 49 og 50 (- jaktfeltet 1253J0068 under vald 49) *
Sone 4	600	Vald nr. 25-26, 30 – 34 og 36-
Sone 5	1250	Vald nr. 27-29, og jaktfeltet 1253J0068 under vald 49

*) jaktfeltet 1253J0068 - Mjelde Skipsreie under vald 49 i Vaksdal kommune.

For nokre av valda vil ein reduksjon i minstearealet føresette ein gjennomgang av teljande areal. Dette fordi mange av valda har svært gamle valdopplysningar og til dels for høgt teljande areal.

Ein meiner at endringa som er føreslått er ei tilpassing av minstearealet etter dei geografiske variasjonane som er for hjortestamma i Osterøy kommune. Sone 1 og 2 er stort sett kjerneområde for hjort og område med aktiv og intensiv jordbruksdrift. Sone 3 er i hovudsak område i utkanten og rundt kjerneområdet og som gjerne har noko mindre aktiv jordbruksdrift. Sone 4 er område nord for sone 2 og 3 og som jamt over har svakare jordbruksdrift. Sone 5 er i hovudsak område nord på Osterøy med høgareliggande fjellområde.